

## Ҳаж ибодатларидан кейин маккада туриш ва видо тавофи



14:00 / 11.08.2019 3679

يَفْتَعَمَسْ لَهْ هُنَّ عُهُ لَلِ اِي ضَرَّ دِي زَيْدَنْ بِي اِسْلَلِ زِي زَعْلَا دَبَعَنْ بِي رُمْعَلَا ق-1540  
هَلَلَا لُوَسْرَلَا قُ لُوَقِي تِي مَرَضَحْلَا نَبَا لَعْلَا تَعَمَسْ لَاقَفْ اَيُّ شَكَمَبِي مَقَالِ ا  
هُ اَوْر. اَثَالَتِهْ كُسُنْدَا ضَقَّ دَعَبْ كَمَبِي رَجَاهُ لَمِي قِي : مَلَسُو هِي لَعْلَا لِي لَص  
هُ سَمَحْلَا

Умар ибн Абдулазиз Соиб ибн Язийд розияллоху анхумга:

«Маккада туриш ҳақида бирор нарса эшитганмисан?» деди.

«Аъло ибн Ҳазрабий розияллоху анхунинг «Расулulloҳ соллаллоху алайҳи  
васаллам «Муҳожир (Макка аҳлидан бўлмаганлар) ҳаж ибодатларини  
тугатганидан кейин Маккада уч кун туради», дедилар», деганини  
эшитганман», деди».



Ҳайз ёки нифос кўрган аёлга видо тавофи қилиш вожиб бўлмайди. Улар узрли бўлганлари учун видо тавофини қилмай, юртларига қайтаверадилар.

Видо тавофи ташқаридан келган ва нифосу ҳайздан пок бўлган ҳар бир ҳожига вожибдир.

Видо тавофи ҳажнинг барча амалларини бажариб бўлиб, Маккаи мукаррамадан чиқишдан олдин бошқа тавофлар каби адо этилади.

Видо тавофини тамом қилган киши икки ракъат намоз ўқийди, Мултазамда дуо қилади, хотиймга – тарнов тагига ўтади, замзамдан ичади ва Ҳажарул асвадни ўпиб ёки истилом қила туриб, ҳожатларини сўраб, дуолар қилади.

Видо тавофи ва унга оид амалларни қилиб бўлган одам яна Байтуллоҳнинг зиёрати насиб бўлишини сўраб, ўгирилиб, чиқиб кетади. Уламоларимиз «Орқаси билан юриб чиқиш макруҳ», деганлар.

Бир киши видо тавофини қилмасдан, жўнаб кетган бўлса, модомики мийқотдан чиқмаган экан, қайтиб келиб, мазкур тавофни адо этиши вожиб бўлади. Агар мийқотдан чиққан бўлса, қайтмайди, лекин жонлиқ сўйиши лозим бўлади.

***«Ҳадис ва ҳаёт» китобидан***